

**BOSNA I HERCEGOVINA**  
**FEDERACIJA BOSNE I HERCEGOVINE**  
**TUZLANSKI KANTON**  
**OPĆINA SREBRENİK**  
**- Općinski načelnik-**

Broj: 07-3461-3/16

Datum, 21. 09. 2016. godine

Općinski načelnik na osnovu člana 70. stav (1) i (3) Zakona o javnim nabavkama ("Službeni glasnik BiH", broj: 39/14), Odluke o izvršenju budžeta općine Srebrenik, („Sužbeni glasnik općine Srebrenik“, broj: 10/15), čl. 38. i 118. Statuta općine Srebrenik („Službeni glasnik općine Srebrenik“, broj: 1/08) na preporuku Komisije za javnu nabavku broj: 07-3461-2/16 od 21.09.2016. godine, u postupku javne nabavke Rekonstrukcija i dogradnja vodovoda "Lušnica" sa izvorišta "Bošnjakovička", je d o n i o:

**O D L U K U**  
**O IZBORU NAJPOVOLJNIJEG PONUĐAČA**

**I**

Prihvata se preporuka Komisije za javnu nabavku, broj: 07-3461-2/16 od 21.09.2016. godine i Ugovor za **Rekonstrukciju i dogradnju vodovoda "Lušnica" sa izvorišta "Bošnjakovička"**, dodjeljuje se ponuđaču **JP Vodovod i kanalizacija "Srebrenik" DD, Srebrenik**, ponuda broj: 03/1-1378/16 od 20.09.2016. godine, za ponuđenu cijenu od **38.701,92 KM sa PDV-om** kao prihvatljivu.

**II**

Ponuđač je dužan u roku od **7 dana** od dana prijema ove odluke, dostaviti dokaze po članu 45. stav (2) Zakona o javnim nabavkama i original izvještaj Centralne banke (može ovjerena kopija). Dokazi koje dostavlja ponuđač ne mogu biti stariji od tri mjeseca, računajući na dan predaje ponuda.

**III**

Ova odluka objavit će se na web-stranici **[www.srebrenik.ba](http://www.srebrenik.ba)** istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

**O B R A Z L O Ź E N J E**

Postupak javne nabavke pokrenut je Odlukom o pokretanju postupka javne nabavke broj: 07-3461-1/16 od 22.08.2016. godine.

Javna nabavka je sprovedena po otvorenom postupku broj: 07-3461-1/16 od 01. 09. 2016. godine

Procijenjena vrijednost javne nabavke bez PDV-a je 40.572,64 KM.

Obavještenje o nabavci broj: 761-1-3-104-3-56/16 poslato je na objavljivanje dana 01.09.2016. godine, i "Službenom glasniku BiH" broj: 67 od 09. 09. 2016. godine.

Komisija za javnu nabavku imenovana je Rješenjem broj: 07-3461/16 od 05.09.2016. godine.

Ponude po otvorenom postupku za predmetnu nabavku su dostavili sljedeći ponuđači:

1. JP Vodovod i kanalizacija "Srebrenik" DD, u ukupnom iznosu od 33.078,56 KM (bez PDV-a), i
2. "HIDROMONT" DOO Srebrenik, u ukupnom iznosu od 35.949,40 KM (bez PDV-a), i sa ponuđenim popustom od 0,50% (179,75 KM), a što ukupna ponuda sa ponuđenim popustom iznosi 35.769,65 KM bez PDV-a.

U prvom dijelu rada Komisije, konstatovano je da su, blagovremeno, pristigle dvije pravilno zatvorene ponude. Nakon toga, Komisija je isčitala ponuđene cijene i završila prvi dio svoga rada.

U drugom dijelu rada, Komisija je pristupila detaljnom pregledanju dostavljenih ponuda, u cilju utvrđivanja da li su dostavljeni svi traženi dokazi i da li isti ispunjavaju kvalifikacione uslove.

Pregledanjem ponuda ponuđača **JP Vodovod i kanalizacija "Srebrenik" DD, Srebrenik i "HIDROMONT" DOO Srebrenik**, Komisija je konstatovala da su iste potpune tj, da svi dokazi za kvalifikaciju zadovoljavaju zahtijevane kvalifikacione uslove i prihvatljive su za daljnje razmatranje.

Računskom provjerom nisu utvrđene računске greške.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispijelih ponuda, u skladu sa kriterijima iz tenderske dokumentacije.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Iz navedenih razloga, primjenom člana 64. stav 1. tačka b) Zakona o javnim nabavkama, te članova 38. i 118. Statuta općine Srebrenik („Službeni glasnik općine Srebrenik“, broj: 1/08), odlučeno je kao u tački I. ove odluke.

#### **POUKA O PRAVNOM LIJEKU:**


Protiv ove odluke može se izjaviti žalba u roku od 10 (deset) dana od dana prijema odluke o izboru ponuđača.

Žalba se izjavljuje ugovornom organu u pisanoj formi direktno, ili preporučenom poštanskom pošiljkom.

Žalba se podnosi u najmanje tri primjerka.

Dostavljeno:

1. Ponuđačima 2x,
2. Evidenciji,
3. Arhivi.

**OPĆINSKI NAČELNIK**  
  
**Dr. sci. Nihad Omerović**